

INUIT ATAQATIGIIT

Inatsisartuni



UKA 2018/pkt.nr. 24
10. oktober 2018
Stine Egede

Uunga siunnersuut: Pisortat Pisiortortarneranni Neqerooruteqartitsinermi Maalaaruteqartarfik pillugu Inatsisartut inatsisaat nr. xx, xx. xxx 2018-imeersoq

(Inuussutissarsiornermut Nukissiuuteqarnermullu Naalackersuisoq)

Inuit Ataqatigiinniit Inuussutissarsiornermut Nukissiuuteqarnermullu Naalackersuisup siunnersuutaanut imaattumik oqaaseqassaagut.

Inatsisartut neqerooruteqartitsisarnermut inatsisissaata malitsigisaanik maalaaruteqartarfimmik pilersitsinissamik siunnersuut isumaqatigaarput.

Naammagittaalliortarfimmik pilersitsinerup isumannaassavaa neqeroortitsinermit periutsit eqqortumik kiisalu inatsit atuuttut sanioqqutaarnagit neqeroortitsinerit ingerlanneqartarnissaat, minnerunngitsumillu suliffeqarfiit mikinerusut, ilaatigullu nunatsinnit aallaavillit periarfissagissaarnerulersinneqarnissaat.

Innersuussutigissavarpulli § 5, imm. 7-ip ataatiimiitaliami eqqartorluarneqarnissaa. Isumaqaratta inatsisissaq suliarineqartoq periarfissiisareerluni qularnaarinnittareeruni pissusissamisuussasoq.

Qularnanngilarmi inatsisissatut siunnersuutip imarisaa, tassalu ima imaqartoq; *"Naammagittaalliortoq naammagittaalliuutigisamini tamakkiisumik ilaannaasumilluunniit taparserneqarpat, § 5, imm. 5 malillugu naammagittaalliuuteqarnermut akiliutigineqartoq utertinneqassanersoq pillugu Naalackersuisut maleruagassanik erseqqinnerusunik aalajangersaasinnaapput"* inatsip atuutilereernerani arlaanni pisariaqartinneqalerumaartoq, taamaammat ikkutereeraanni isumatusaarnerusorigatsigu.

Inuit Ataqatigiinni taamatut oqaaseqarluta suliassaq ataatiimiitaliami susassaqartumi sukumiisumik suliassanngorlugu ingerlateqqipparput.

Qujanaq